

QUANTA sit lupifames & voracitas, vulgo notum est: ubi enim alimenta desint, in summa fame vescitur terrâ; quâ quoq; ventrem explorere traditur, si magna armenta aggressurus sit, ut illâ quasi sarcinâ factus onerosior, non tam facile excutiatur, sed resistat fortius. Cùm caulas intraverit, non solum interficit, quod satis est ad vêtrem, sed & totum gregem passim jugulat præ aviditate. Sacer est Apollini & Latonæ, q̄ ei parienti astiterit: Necn. absq; lupi præsentia Latona parere potuisset. Unde non immeritò Apollini, cuius natalicium celebravit, lupus acceptus creditur: Ad hæc quia oculi ei noctu splendent & lucem jaculantur. Huic igitur ingenti fame obfesso Regium corpus exanime projicitur, non ideò, ut totum cōsumat & in nihilum redigat, sed ut vitam & vires ei restituat propria sua morte. Est enim nescio quid virtutis amatoriæ in lupi cauda, q̄ regi semimortuo infunditur, unde omnibus pergratus est hominib. sanitatem & formam pristinam recuperans: Hyrcani non ad alium usum nutriebant canes, quâm ut iis vitâ functos objicerent vorandos, ut Cicero tradit: Sic & Massagetae ex morbo mortuos canib. dant in prædam: Philosophi verò Regem lupo: Nec verò Sabæorū mos placuit, defunctorum corpora, eodem modo, quo stercus ducere, qui i & reges rejiciebāt inter sterquilinia, nec Troglodytarum, qui mortui cervicem pedib. alligabant & raptim cum jocis & risu efferebant, nullâq; loci ratione habitâ, terræ mandabant: At Magorum institutum sequi in hoc maluerunt, qui non humabant corpora suorum, nisi priùs à feris laniata: Aut Indorum, qui se vivos cremari jusserunt, coronatos deorum laudes concinenter, ne senectus præveniret: Verùm omnib. illi ultimum fatum hunc morem impo-
suit absque ulla resurrectionis spe aut vitæ innovatione: Lōgè aliter apud Philos. dispositum est: Illi enim certissimè noverunt, ex rege mortuo à lupo devorato, vivum, fortē & juvenem apparitum, lupūmq; ejus vice igne crematum iri: Est namque lupus facile interimendus, si ventrem ita onerârit, Rex verò licet mortuus, tamen Martiali vel Cygnea vi pollet, ut vulnerari nec absumi possit. At ubi venandus erit hic lupus, & unde Rex accipiendus? Respondent Philos.